

# Жүлдөз

Ф.Оңғарсынова  
ӨЛЕНДЕР

Д.Досжан  
ӘБПШ АЛЛЕЯСЫ

З.Тілеужанұлы  
АЛМАТАЙНЫҢ ТҮНГІ  
АСПАНЫ

12  
2014



## ТҮСІМДЕ ҚӨРГЕН КІТАП немесе ТҰҒЫР ТУЫНДЫ

ЖҰЛДЫЗДАЙ ЖАРҚЫРАҒАН ЖАУНАРЛАР

...Әңгімеміздің алтын арқауы «Ақ бантік» болғандықтан, қалайша олардың авторлары тұрасында сез қозғамайсың. Ерғали Ахметов төңірегінде біршама толғадық. Ендігі лепесіміз Қарауылбек Қазиев хақында.

Домбыраның ішегінде қашанда қатар шертілер достар жайындағы сырымыз жартыкеш қалпында қалмасын. Ендеши, құлақ түргейсіз, сүйікті мениң өқырманым. Там-тұмдап болсын, Қарауылбек жөнінде, оның шығармашылық лабораториясынан хабардар етейін. Бұлай деуімнің себебі бар. Өйткені, өз басым аты-жөніне әбден қанық Қарауылбек көкеммен бірде-бір рет кездесіп, жүзбе-жұз тілдескен емесспін. Есесіне ол туралы жиі естіп, көп өкіздім. «Жаны жайсаң, көнілі дархан, адамдығы асқақ» іспетті жағымды тіркестер ұдайы алдыннан қарсы алатын. Мерей марқайтар бағалардың бәрін көгендеп тізбей-ақ, тонның ішкі бауындан араласқан серіктерін сөйлеткім келеді.

Студенттік жылдары қара нанды бөліп жеген жан досы Ерғали әңгімесін, әрдайым «Қайран, Қарауылбек» деп сабактайды. Жете мән бермеуші ек. Әйтпесе, сазды сағыныш пен жүрек сыздатар мұны басым осынау екі ауыз сөздің сырлы терең-ақ еken гой.

—Шынын айту керек, әуелде ештеңені зерделей түсінбедік. Албырт жастықтың буымен бұла күн кештік. Қазір өткенге ой көзімен қарасам, бәріне де таңғалам, — деген болатын Ерекен, — Қарауылбек екеуміздің жолымызды құдай түйістірген. Ол Жамбыл облысының Шу өңірінен. Екеуміз бір жылдың төліміз. Ол 1939 жылдың көктемінде, мен қысында дүниеге келіппін. Тау қойнауындағы туып-өскен ауылы «Кербұлақ» аталауды. Жәркент жеріндегі менің ыстық мекенім «Басши» де «Кербұлақ» деген аймаққа жатады. Ал аузынан тастамай, шығармаларында жазатын Қарабұлақ атты өзен бізде де бар. Екеуміздің де балалық шағымыз соғыс жылдарына деп келгендей көрген қынышылық пен тартқан азабымыз да үқсас. Арқа сүйер шешеміздің қолтығында ержеттік. Бір жатақханада, бір бөлмеде тұрдық дегендей, ең алғашқы әңгімеміз де бір тақырыппен жарияланды. Мұның бәрі құр әшейін емес, тағдырыңқы тылсым жазуы...

Соғыстың кесірінен жастай жесір қалып, жалғыз үлlyn жетектеп жүріп жеткізген асыл анасына немере сүйгізіп, жанын раҳатқа бөледі. Жұбайы Вера үлкен отбасындағы төрт-бес қыздың бірі екен. Көп жылдар басшылық жұмыста болған әкелері кенет қайтыс болып, шешелерінен де ерте айырылып, өмірдің ашы-түщісін көріп өскен ақылды, салмақты жан еді. Енесін өз анасындағы күткен аяулы келін болды. Төртінші курста ғой деймін, бір жолы каникул кезінде екі досым (Әлдиханды айтам) қоярда-қоймай шақырып мені өз ауылдарына алып кеткендері бар. Сонда мен Ермек

Жалғасы. Басы өткен санда.

— 1998 жыл

апайдың берекелі дастарқанынан ас ішіп, бір аптадай қонақ болып, өз үйімдегідің рахаттанып жатқанмын. Сонда байқағаным, Қарауылбек анасына еркелеп, әзілдеп отырады. Неге екенін білмедім, ол анасын «Ереке» деп атымен атайдын. Бір-біріне қалжындары жарасып тұратын.

Сонда ана мен баланың арасындағы осы бір нәзік жарасымдықтың әсерінен болар, мен Қарауылбекке өз басымнан өткен бір оқиганы айтып бердім. «...Соғыс кезі. Үш-төрт жаста болуым керек. Аның таң бозынан колхоз жұмысына кетеді, өзімнен үлкен он жасар бауырым даждыбы. Құні бойы үйде сопиып отырып, көрші балалармен көшеде ойнайды. Кешкін үздігіп, қарным шүркүрайды. Аштық адамды ақыл-есінен айтып, топастандырып жіберетін сияқты. Бірде шешем үйге кірісімен: «қарным ашты, наң тауып бер» деп қыфылықты салып, жыладым. Аналар жалынып, жұбатқанына қарамай дoldанып, жер тепкілеп «наң, наң, наң!» деп жылай бердім. Жаны қысылған шешем қосыла жылады. Ақыры қөршілерден бе, туыстардан ба бір жапырақ наң сұрап әкеліп беріп, мені әрең тыныштандырды».

«Қандай үқастық! Дәл осындай жағдай менің де басымнан өткен. Соғыс қой, соғыстың лаңы ғой бәрі...» – деп досым қабағы тұнжырап, едәуір әсерленіп қалды.

Кейінірек Қарауылбек «Мениң шешем» атты адам жанын баурайтын шағын ғана әңгіме жазды. Жүрек шымырлатады...

Біз университет бітіріп, жан-жаққа кетсек те қол үзгеміз жоқ. Бір-бірімізге не оқып, не жазып жүргенімізді хабарлап, ой бөлісіп, хат алысып тұрдық. Ол маған өзі жаңадан жазып бітірген «Бәйшешекті жыл» атты әңгімесінің бір дاناын салып жіберіпти. Оны оқып отырып, досымның қalamгерлік шеберлігінің әлдеқайда шыңдалып, ширығып, өсіп, жетіле түскеніне сүйсіндім. Үнемі ізденіс үстіндегі, үйрену жолындағы тынысмсыз еңбегінің нәтижесі «менмұндалап» тұрды.

Бұл әңгіме маған өзім оқыған небір мақтаулы жазушылардың үздік деген туындыларымен үзенгі қағыстыратындағы көрінген. Мектептің шамшырақ оқушысы Асылтасқа ғашық болған бозбаланың оның құрмет тақтасындағы суретін үрлап алмақ болуып басының бәлеге қалуы, өзіне қонымды, бойына шақ костюм алғып киіп, қызыдың көзіне түскісі келетін тәтті арманы, қан базарға барып «қызу сауда жүргізгендердегі» аңқаулығы – бәрі де өмірдің өзіндегідей әрі қарапайым, әрі нанымды еди. Құрылымында бір мысқал артық-кемі жоқ, бас-аяғы жұп-жұмыр, нағыз зергердің шебер қолынан шыққан асыл бүйімнен көркем туынды. Сол көктемдегі бүкіл даланы, ауыл іргесіне дейін бір-бірімен қол ұстасып, бірін-бірі жетелеп келіп, үйыған сүттей болуып тұнып тұрған бәйшешек гүлдерінің суреті, еркін тыныстап, бусанып жатқан құмдауыт алқаптың көрінісі ше?! Жан толқытады...

Ал әңгіменің аяқталуы қалай әсерлі. Аңқылдаған ақ пейілімен базардан сыйлық алып келгенде қызыдың басқа жігітпен оңаша отырғаның көріп, екеуінің көңілі жақын екендігін білгендердегі көзіне жас толып, тысқа атып шыққанда далада тұнып тұрған бәйшешектердің шымқай ақ гүлдері төгіліп түскендей болуып, балқып-еріп, қозғалақтап кетеді ғой... Жақсы әңгіме.

Иә, Ерғали айтпақшы, әуелгі жылдар Қарауылбектің барынша өндіріп жазған кезеңі болды. «Олар екеу, мен жалғыз», «Біз абитуриент еді», «Үркер», «Иманжапырақ» тәрізді әңгіме-повестері жарық көрді. Төрт-бес жыл сайын бір кітабын шығарды. Қандай дүние жазса да ол асықпай, ойланып-толғанып барып қолға алатын, сапалы жазуға тырысатын. Кейіпкерлерінің бәрі дерлік жан-дүниелері жалын атқан, өмірге ғашық, тіршілікке құмар, тұмса табиғатпен тамырлас, арманшыл бозбалалар мен бойжеткендер, жігерлі жастар болуып келетін.

Оның қай шығармасын алып қарасаң да өн бойынан тұнып тұрған сыршыл сезімге толы лирикалық сарын үзілмей, алтын арқаудай тартылады да отырады. Бұл Қарауылбек қолтаңбасының басты бір ерекшелігі, әрбір қalamгердің мәндайына жазыла бермейтін, қолынан келе бермейтін өзіндік қымбат қасиеті.

Қарауылбектің адамгершілік қасиеттері мен азаматтық болмысы жайында да шертілер сыр-сұхбаттарды тыңдай бергің келеді-ау. Тіпті, оның кісілік келбеті де көпшіліктен басқалау, ерекшеленіп тұратын. Көңіліне ұнаған адаммен тез танысып, табысып кететін. Қонағын құдайындағы сыйлайтын нағыз қазақтың өзі. Оның жомарттығы, қонақжайлышығы туралы аңызға бергісіз әңгімелер әлі күнге дейін

шертіледі. Мәселен, Алматыдан Шымкентке барған ақын-жазушылардың көбін ол үйіне шақырып қонақ етпей жібермейтін. Ең құрыса жаңына Верасын ертіп алғып, қонақүге барып дастарқан жайып немесе мейрамханада күтіп, риза-хош қылып аттандыруды тамаша әдетке айналдырыпты.

Осындай жаңы да жомарт, қолы да жомарт, жігіттің төресі, жайсан жан Қарауылбек 1984 жылдың жазында, 45 жасында аяқ асты о дүниелік болып кете барды. Ауырган да, сырқаған да жоқ, өмірдің қайнаған ортасында жарқылдаپ жүрген жан кенеттен бақылыш болды.

Жарық дүниеден осылайша жүлдышыздай жарқырап өткен Қарауылбек өз оқырмандарына тамаша туындыларын мұра етіп қалдырды. 1968 жылы «Жазушы» баспасынан жарық көрген тұңғыш жинағын әйгілі әңгімесі «Ақ бантиткің» атымен шығарды. Қаламын сұытпаған сыршыл суреткөр араға екі-үш жылдан салып «Иманжапырақ», «Утренняя роса» (орыс тілінде), «Үркер», «Кемпірқосақ» кітаптарын ұсынды. Шетінен өшпейтін, көмескіленбейтін кіл жаунарлар.

Бұлайша бүгежектемей, кесіп сөйлеуімнің өзіндік сұры бар. Жетпісінші жылдардың басында мемлекеттік «Баспаком» мен «Жалын» баспасының дәстүрлі республикалық жабық конкурсында Қарауылбектің «Иманжапырақ» повесі бас бәйгені жеңіп алды. Осы жағымды жаңалықты шығармашылық ұжымға жеткізген редакторымыз Сейдахмет аға Бердіқұловтың сөзі күні кешегідей есімде.

– Жігіттер, бүгін «Жалынның» жүлдегерлері анықталды. Жюридің соңғы отырысынан келген бетім. Бірінші орын «Иманжапырақ» повесі үшін жазушы Қарауылбек Қазиевке берілді. Шығармасы ете жақсы, нағыз маржан. Рахаттанып оқыған едім, жоғары үпай бергем. Әркім-әркімге үқсатып ем. Жасырын конвертті ашқанда бір-ақ білдік. Облыста тұратын қаламгер. Тамаша жазушы. Өздерің білесіндер, «Ақ бантиткің» авторы фой. Айтпақшы, оның «Олар екеу, мен жалғыз» әңгімесі де біздің «Ленжаста» шықты емес пе.

– Жақсы жазады, – деді Сейдағанның сөзін бөлген Сейітқазы Досымов.

– Иә. Қарауылбектің «Иманжапырағы» бас бәйгеге өбден лайықты, – деді Оралхан Бекеев әріптесін іліп әкетіп. – Сәке, жалпы, әділ қазылар мүшесі ретінде байқаганым, биылғы жулде алған дүниелердің бәрі де тәуір.

– Дұрыс айтасың, Оралхан! Әдебиетімізге біраз жақсы қазыналар қосылды. – Бастығымыз отырғандарға шола жанар жүгірткен. – Конкурсқа қатыссаңдаршы. Қөремісіндер, жыл сайын есімдері белгісіз үш-төрт жаңа автор бәйге алып жүр. Жазындар сендер де. Газеттің қара жұмысы таусылмайды. Мына Оралханның «Қайдасың, қасқа құлынымы» мен Сейітқазының «Директорлары» бүрнағы жылдары топ жарды. Біздің жігіттер жыл сайын бәйге алса артық емес.

Рас. Сейдаған айтқан екеуі де «Лениншіл жастың» мәртебесін асырған болатын. Өзі тізгінің ұстаган ұжымның үпайын түгендер жүретін Сейдахмет ағаның қамшылауы жігіттерге майдай жағатын. Сол жылдары айтулы жабық конкурста Оралхан мен Сейітқазының қатарын Марат Қабанбаев, Жақау Дәуренбеков, Құрманғазы Мұстафин, Әшірбек Қөпішев, Несіп Жұнісбаев, т.б. «лениншілжастықтар» толықтырған еди. Қайталап ескертеміз, үлкен ұстаз Бердіқұловтың қанаттандыруы арқасында. Әйтпесе, әр-әр жерде талай басшыны көрдік қой. Өзінің қарамағында істейтін нағыз қабілетті жігіттерді сүріндіріп, тобықтан қаққанын «жыр» ғып айтып жүр. Несін жасырайық, дана халқымыз да «Сыбырлағанды құдай естімей ме?» дегенді бекер айтпаған. Сейдағанның газетке қатысы жоқ, айдаладағы Қарауылбектің жеңісіне қуанғанын көрсөн, шіркін!.. Ондайлар сирек-ау...

Жоғарыда емеурін жасағанымдай, мен Қарауылбек ағаны танымаймын, сейтсе де оны ежелден жаңымда жүрген кейбір жолдас-жоралардан да артық білемін. Қандай қуаныш! Оның азаматтық асыл мінездері туралы ете көп естігепін сонша, қайсысының жүрек луппіліне құлақ түрерімді білмеймін. Әңгіме орайына қарай, тек екі аяулы жанның лебіздерін қаперлерінізге сала кеткім келеді. Қарауылбектің мерейтойы қарсаңында 1988 жылы «Жалын» баспасы оның соңында қалған мұраларының біразын жинақтап біркітіріп, «Ақ шуақ» дейтін тамаша кітап шығарды.

Бұл жинақты құрастырып, баспаға дайындаған жазушының жан досы Ерғали Ахметов. Кітапқа алғысөзді белгілі әдебиетші-қаламгер, аудармашы, Қарауылбекпен

етене аралас-құралас болған Әбілмәжін Жұмабаев жазған-ды. Қимас қаламдас інісі жайында ағыл-тегіл тебірене толғаған Әбілмәжін аға халқы сүйген, оқырманы құрметтеген лирик-жазушының адами қадір-қасиеті мен өлмес шығармаларына жан-жақты тоқталады. Жақсы адамның ізі өшпесе керек. Төмендегі ой үзігі соны аңғартқандай. Қане, Әбекенді тыңдайықшы.

«Суық хабар бейmezгіл атылған мылтық үніндей әрқашанда тосын. Бұл жолы да солай болды. Қарауылбек қаза тауыпты». Құлағың естігеммен, көнілің сенбейді.

Егер ол ауру-сырқау болса бір сәрі. Немесе қартайып, қайғы ойлап, жер шетіне жетіп отыrsa еken. Жоқ, әлі өмірінің қоңыр күзіне де қадам баса қоймаған. Әлгі халық өлеңінде айттылатын: «Қырықтың беделінде болсаң жігіт, жүрерсің жер-дүниені тауыскандай» дейтін дер шағы...

1984 жылдың жазында, жоғарыдағыдан бір аңы өкініш Қарауылбек Қазиевті білетін дос-жарапдары мен жора-жолдастарының талайының көніліне-ақ оралады. Олар сонда арманда кеткен аяулы досын курсінісіп еске алысқан. Енді, міне, сол көніл қимасымыз алдымыздың «Ақ шуақ» атты кітаптың ішінен тірі қуніндеңгідей жәйімен жымиып шыға келіп, өзінің қоңыр үнімен тіл қатып тұргандай... Оның қазақ әдебиеті әлемінде жиырма жылдай қалам тартқандағы еңбегі оқырман улесіне сәтті олжа болып қайта тиіп отыр. Бұлар қандай дүние десеңішіші?!

Қарауылбек әдебиетті ар-үят ісі деп, қатты қастерлейтін тектілер әулетінен еді. Сол себепті де ол қаламынан шыққан әрбір сөзге асқан жауаптылықпен қарайтын. Оның қаламының сарапдығы да, қысқа әңгімелерінің өзін әбден әрлеп, саралап, оқырманың сағынтып барып жариялайтыны да осы сөз қадірін білгендігінде жатса керек. Тірлікте ақырын жүріп анық басуының бір себебі де сонда сияқты. Ендеши барға шүкіршілік. Осынау шағын томды жақсы достың қөзі де, өзі де деп қеудемізге басайық...

...Ойлап тұрсам, мен Қарауылбекті алғаш рет алпыс үшінші жылдың көктемінде көріппін. Ол кезде «Жұлдыз» журналы редакциясында жұмыс істейміз. Қызыметкерлері негізінен жастар. Содан ба, әйтеүір қеудесінде үшқыны бар дарынды жастар әдette осы жалғыз әдеби журнал төңірегінен үйрекшеп шықпайды. Журналдың кезекті бір номері жастар творчествосына арналмағыш болды. Тіпті махабbat, адамгершілік тақырыпта әңгіме жазуға шағын бір бәсеке-бәйге де үйымдастырылды. Шарты – ең жақсы әңгіме басылады. Кейін редакцияға келіп түсken жақсы әңгіменің авторы жұмсақ қана жымиып тұратын қара торы студент осы Қ. Қазиев болды...

Сонымен арада алты жыл өткеннен кейін, 1969 жылдың жазында біз Қарауылбектің «Ақ бантігімен» қайта кездестік. Енді ол жұмсақ мұқабалы жұқа ғана кітапша еді. Бұл бір таза бұлақ бойына қаулай өсетін балаусадай дүние еken. Жігіттің байқары да, айтары да бар еkenі осы кітапшасынан көрініп қалған...

Содан кейін тірліктің жол-соқлақтарында Қарауылбекпен талай рет кездесіп қалып жүрдік. «Заман жайлы, адам жайлы» дегендегі көп сөйлесіп, сырласқан кездеріміз де болды. Сонда ұдайы бір байқағаным – Қарауылбек көнілінің титімдей де таты жоқ, ақ көніл, бауырмалдығы еді. Және әманда кісілік парасат биғінен табылып отыратын. Өсіресе жадырай күлімсіреген кездері тіпті сүйкімді болып кетуші еді.

Жетпіс тоғызыныш жылдың жазында Қарауылбек балалары – Ағдан, Димаш, Табиғамен Қырымда, Қектөбелдегі творчество үйінде тынықты. Сол жолы Әбіраш Жәмішев, Сәкен Иманасов – бәріміз көнілді бір топ болып, қызық думанды демалыс еткізгеніміз бар. Бізге сол арадан әлемнің он екі тілінде еркін сөйлейтін дудар басты, атан жілікті украин жазушысы Юрий Покальчук, қара торының әдемісі, сыйпайы тәжік ғалымы, химия ғылымдарының докторы Джанон Икрами (жазушы Жалол Икрамидің баласы) келіп қосылды. Екеуі де бала мінезді елгезек те сергек жандар еken. Бір үйдің адамындағы тез тіл табысып, араласып кеттік.

Шалқар теңіз, мұнарлы тау, сағымды дала, тамылжыған күн, көнілдес жақсы кісілер – бәрі-бәрі қосыла келіп, әдемі бір атмосфера жасады. Қебінесе бірге жүреміз. Кешке салым ашық кинотеатрдың 14-қатары тұтас біздердікі... Кейін Юрий Покальчук Қазақстанға әлденеше рет келіп, Шымкентте Қарауылбектің қонағы болып, қазақтар туралы тарихи роман, әңгімелер жазды. Республика жас жазушыларының таңдаулы хикаяларын құрастырып, украин тілінде басып шығарды. Осының бәрі Қарауылбектің

кіслігінің, бауымалдығының арқасы. Ол өзіне ғана емес, еліне де бір аяулы дос тапты. Халық пен халықтың жақындастыруның өзі осындай үлкенде-кішілі ізгі істерден құралады-дағы.

Енді бірде ол Ш.Айтматовтың «Жекпе-жегін» кезінде таң қалып, тәнті болып оқығаның айта келіп, сәл кейінрек осы тақырыпқа, орыс жазушылары В.Гончаровтың «Қашқын», В.Распутиннің «Ғұмыр бойы ұмытпасы» шыққанын, осы үш туындының үшесе де өзіне қатты ұнайтынын қызыға сез еткен. «Ұшеуі үш жақтан, ескен ортасы, көрген-білгені, жазу мәнері әр алуан суреткерлердің бір тақырыпты қалауы, жазуы ғана. Сондағы бәрінің айтары: азаматтық борышын ақтамай, еліне опасыздық жасаған адамның өзі де мерт болады және жақын-жыуқтарын да опат етеді. Бірақ үшеуінің даусы үш бөлек, бірін-бірі қайталамайды. Шын шебердің жөні бөлек қой», – дейтін.

Рухани толықсан әр адамның бейнесінен туған жер бейнесі көрінеді. Оның сөзінен, қымыл-әрекетінен өскен ортаның танымал белгілері әрқашан мен мұндалап қол бұлғайды. «Ұяда не көрсөн – ұшқанда соны ілерсің».

Қарауылбектің де тұңғышы інгәлап жер бетіне түсісімен атамекен жырын айта туды. 1969 жылы «Жазушы» баспасынан жарық көрген «Ақ бантігі» соның айғағы.

«Ақ бантік» жинағына төрт әңгіме енгізілген. Осы хикаялардың бәрі туған жер, өскен ел жайлы, оның өзен-суы, тау-тасы, көктемнің тебіндегі өскен көгіндегі желкілдеген жеткішектері жайлы.

«Ақ бантік» алдыңнан ағарып атар таңдай сағынышты арман құткен балғын шақтың бейнесі ғой. Ол – бейқүнә пәктіктің, шынайы тазалықтың, ақ көңіл адалдықтың бейнесі. Қарауылбек алғашқы кітабымен қазақ оқырмандарына үлкен өмір табалдырығынан енді-енді аттағалы тұрган бір топ ақ жұмыртқа-сарыауыз балдырганды жамыратып қости да жіберді. Олар әлі де тым жас, тым үяң еді. Аузын ашса көмейі көрініп тұратын ақ пейіл. Олардың жүрөгі әлі де қалам ізі түспеген ақ қағаздай. Тірліктиң соқпақ-сүрлеулері әлі мұнда әжімін түсіре қоймаған. «Он сегіз мың ғаламның» күллі қызығы мен куанышы алдарында.

Ағынан жарылған аға лебізінен талай нәрсені байқадық. Тіпті, Қарауылбектің өз қызына ең алғашқы әңгімесі – «Ақ бантікте» суреттелетін сүйкімді де еркетотай тұлымшағы желбіреген кейіпкері Табиғаның есімін қойғанын анғардық. Елең етерлік штрих. Жазушының өз шығармасына, өз кейіпкеріне деген мұндан махабbat пен құрметті сирек ұшыратамыз.

Іә, «Ақ бантікте» айқын көрінген өмір, адам мінезі, тағдыр талқысы туралы, тірі табиғат тылсымдарымен ажырағысыз астастыра отырып, тілмен емес, үнемі Жүрекпен сөйлейтін, нағыз живописшінің нәзік қыл қаламымен нақыштайтын көркемдік бейнелеу ерекшеліктері жазушының кейінгі әңгіме-повестерінде кең тыныс, кемел арна тапқанын «Бізabitуриент едік», «Қадиша», «Найзагайлы тұн», «Иманжапырак», «Мәтібұлақ басында» сынды сымбатты да қымбатты туындыларды оқыған жұрт көңіл құштарымен түйсінеп хәқ. Қарауылбек қаламынан шыққан дүниелердің қай-қайсысынан да лирикалық психологизм арқылы үздіктіріп, дірілдетіп, мөлдіретіп жеткізу, жақсылық әлемімен жарасым тауып жатқан парасат лебі, пәктік сезіліп тұрады. Бұл орайда Толстойдың Чеховтың прозадағы Пушкин дегенін ойға орала береді. Қазақ қара сөзінде адам жанын, таулар мен дала ажар-келбетін шынайы ақындық шабытпен кестелеген Қазиевтей прозашы некен-саяқ. Сол қасиеттің бәрін ешқандай жалған шалқусыз, жасандылықсыз, өмірдің өзінен туыннатқан ерелілігіне тәнті болмау мүмкін емес!

Шынында да туған мектебі мен ыстық ұясынан қашып, айдаладағы жалғыз үйлі аңшы шалға барып паналайтын Қалмаш («Қашқын»), каникулда Назыкенді сағынып, таудағы пішеншілерге жетууге асығатын Әскер («Үркөр»), сыныптасы Асылтастың құрмет тақтасындағы суретін үрлайтын Қайыржан («Бәйшешекті жыл»), оқушы қыздар Гүлзат пен Тұнық екеуіне бірдей ғашық Қайрош («Олар екеу, мен жалғыз»), ақ бантікті Табиғаның қылышына таңдануға тоймайтын Ербол («Ақ бантік»), емтиханнан құлап, Мақпалға ілесіп Ресей аспақ болған Қаржау («Бізabituриент едік»), қаладан туған ауылына келіп, өткен-кеткенді елжірей есіне түсіретін Қалау («Иманжапырак») – секілді қылыш-қылыш образдарды сомдап, кескіндеуде табиғаттың үйлесімділігіне жүгінетін жазушы сұлұлыққа тамсанбай, табиғат тылсымын, оның әрбір құбылысын

кейіпкер әлемін жан-жақты ашуға шебер қиуоластырады.

Осы ретте «Ақ бантиткің» тұсауын алғаш кесіп, бас қазылық жасаған белгілі ақын Есенбай Дүйсенбаев өз ойын төмендегіше түйеді:

«...Қарауылбек табиғат жыршысы еді. Оның суреткерлік таланты бізді гүл дірілі, бозторғай шырылы, жапырақ уілі, жел жұпары, шалғын әні, ағын сулар, асқар таулар әуені, ақ жауындар әуезі, жазғы наизағайлар жарығы, атқан таңдар мен батқан құндер шұғыласы тербелтілген сиқырлы сұлулық әлеміне енгізіп, жан түкпірінді жаңғырта бастайды. Табиғат пен тағдыр дастанынан өз кеуденде де көктемгі күн күркір дауыстағандай болатыны сондықтан шығар. Қарауылбек жырлап өткен қараңғы түндердің өзінен рауан таңға тән раушан нұр себездеп, қоңыр түсті салқын лептен біртүрлі арайлы жылышық есіп, бұлақтардың құрсінісінен күн сәулесі көрініп тұрады. Таулардан еркіндік пен мәңгілік мәрттікі, ақ жаңбырлардан тазалық пен адалдықты көретін сияқты. Бәлкім, соншама ыстық махаббатпен сүйіп, ақындық шапағатпен аялаған туған жерге жылжып келе жатқан экологиялық апат қаупін бүкіл перзенттік болмыс түйсігімен сезді ме екен, әйтеуір, Қарауылбектің қатыгездік пен қаталдыққа жапырақтардың дірілін, торғайлардың шырылын қарсы қойғанына күмәнданбаймыз. «Дүниені сұлулық қана сақтап қалады» деген ой оның суреткерлік мұрат-мұддесінің алтын қазығы іспетті».

Дос пейілі қашанда мөлдір. Қalamгерлер керуеніне өз сән-салтанатымен қосылған Қазиев қазынасы төңірегінде ақын-жүрек төгілте толғанады.

Бүгінде Қарауылбек Қазиевтің шығармалары сыршылдығы, сезімталдығы, шынышылдығы, көркемдігі арқылы барша оқырман жүргегінен өшпестей орын алған. Әсіресе оны қалың қазақтың бұзылmas қаймағы есепті өзі туып өскен Жамбыл облысы мен өмірден өткенше білек сыйбана еңбек өткен Оңтүстік Қазақстан облысының жұртшылығы ерекше құрметтейді әрі мақтан тулады. Қарауылбектің әр он жыл сайын келетін дәңгелек датасын осы екі облыста да ойдағыдай аталағып жүр. Туған ауылында мектепке, ал Шымкент қаласында бір көшеге жазушының есімі беріліп, оның шығармашылығы жан-жақты насихатталды. Замантыныш болып, Жұмыр Жердің жүргегі соғып тұrsa жазушының талай мерейтойы тойланады.

Ескеретін бір мәселе, осы маңызды оқиғалар екі облыс үшін ғана емес республикалық деңгейде атап өтуді ойластырған жөн. Тиісті құзырлы орындар, министрлік пен Жазушылар одағы бірігіп ұйымдастырар шаралар, жастардың сүйікті жазушысына көрсетілер құрметтің бігі болар еді.

...Алғашқы көктемгі күн күркіріндей ақ махаббат пен сұлу табиғат жыршысы атанған Қарауылбек шығармалары сезім сырын, гүл дірілін, жап-жасыл шалғын әнін, жазғы жұпар жауын мен наизағай жарқылы әлдилеген ғажайып жаңғыру әлеміне енгізеді.

Иә, жұлдыздай жарқыраған жауһарлардың ғұмыры да ұзак.

### «ЖОҚ, ОЛ ҰМЫТЫЛМАЙДЫ!»

«Отамалы». Бұл – ақтөбелік таланты жазушы Тобық Жармагамбетовтың баспа берін көрген тұңғыш туындысы. Қалам сілтесіне қарағанда, оның кітапқа шықпаған көркем дүниелері облыстық газете жариялануы әбден мүмкін. Сөз еткелі отырған «Отамалысын» шатастырмасам мектеп қабырғасында жүргенімде «Жұлдыз» журналынан оқыған сияқтымын. Біледі-ау деген әр-әркімнен сұрастырығанымда көбі екішті дүдемал пікірлерін білдірген. «Газет-журналдардың бірінде жарияланған болуы керек...» Ал, ең ақынды бұдан елу жыл бұрын «Танғы шық» жинағынан оқығам. Балаң шақтағы әсерімді майын тамызып, маңайымдағы сыныптас достарым мен көрші-қолаңың өзіме тетелес қара сирақтарына қос жанарым боталап тұрып шертіп бергенім еміс-еміс есімде...

Содан бері осы аңыз-әңгіменің ұзын-ырғасы қанша мәрте қайталанып айттылды десейші. Оның да себебі бар. Әдептегі қазақшылық әсірелікке басып мың мәрте, жұз мәрте демей-ақ қояйын, әйтеуір жыл сайын көктемнің соңына таман сүр қар сүйіліп, жер жалаңаштана айналып соғар алай-дулей ызгарлы боран кезінде еске түсіретінім анық. Өйткені, табиғат-құдірет ешқашан қателеспейді, өз амал-әрекетінен

жаңылмайды да. Табан астынан, тұтқылдан төнген сынақ сағатының салмағы мен сабагын өлшеп-екшеу мүмкін де емес.

Раждабы сол, осынау сұрапыл сәттің суретін сиқыр сөзбен сызған Тобықтың әңгімесін бейжай оқи алмайсың. Үскірік аяз бер жылымық көктемнің текетіресі мифтік сарында эпикалық тыныспен аса шебер өрілген. Шамырқана шиыршық ата басталған хикая бірден баурап ала жөнеледі. Әлқиссасына үңілген мезетте-ақ оқиға ішіне сұңғіл кеткенінді аңғармайсың, аза бойың тітіреп, сай сүйегің сырқырайды. «... Қаптай жауған қар қырышықтарының әрқайсысында осы аңыздың мұз бол қатқан түйіршіктегі ұшып жүреді. Сол кезде аңыздың әлсіреп жеткен зар-шері кең даланы көктемгі тұмандай бүркеп кетеді. Бұл мұң бірсесе жазыққа жайылып, бірсесе бүлтқа сіңеді. Биік құздың басынан жел болып құлап, сай-салага тығылады. Өзен бетінде шыны толқын болып ойнайды. Жер үсті, аспан асты жүрек зарына толып, төбелердің баурайын қайғы шарбысы қорғап алады».

Аңыздан арна тартқан шып-шымыր әңгіменің көтерген жүргі зілмауыр. Желмен бірге жеткен шер құлазыған қазак даласының тарих қатпарларына айналған көне кескінің көзіңе көлбендетеді. «Әр төбенің баурайында тілін жалаңдатып жұт жортады. Әр төбенің ар жағынан сұрырылып шығып, боран ышқынатын. Әр төбенің астында қасқыр жататын. Сол көп төбелердің бірінің баурайында Отамалы деген қойши өмір сүрген екен».

Мінеки, трагедиялы әңгіменің бас геройы – осы Отамалы қойши. Бүкіл ғұмырын байдың есігінде, қойдың соңында өткізген талайсыз жанның аянышты халін өзек еткен шағын шығарманың мегзер ойы тұнғылқ. Жалғыздық – Отамалыға тағдыр теліген сый. Қаршадайынан ата-анасынан айырылып, тұлдырып күн кешкен оның өкісті өмірі тауқыметке толы еді. Тұыс-бауырды көрмеді, жақын-жуықтың жылы алақанын сезбеді, жар құшып, бала сүймеді. Баспанасы бай үйінің іргесіндегі шошайған жыртық лашық. Онда үш сирақты ошақтан басқа іліп алар ештеңе де жоқ. Оны мұсіркейтін, оны түсінетін тек қос мақұлық – қасындағы иті мен көктегі қарлығаш қана. Суық тусе қимай-қимай қоштасқан қарлығашы әзірге көрінбейді. Сынар серігі екеуі ұзақ қысты әне-міне шығарып салмақ. Тақия төбелердің, жолбарыс жонды жоталардың жалаңаштандып, тілті қунгей беттерінің көгерінкі рең ала бастағаны байқалады. Сәл шыдаса, тәйірі немене бес күн де өте шығар. Бел босап, аяқ ұзарап күн таяу. Өмір өткелектерінің өткір өтінде шындалған Отамалы қойши бәрін-бәрін аңғарады. Қемпіс те, байсал. Жаратқанның пешенесіне жазғанына мойынұсынса да, тіршіліктің қасіретті қамытын мойындармайды. Арыстан жалды асаса ағысқа қарсы жүреді-ау әрдайым. Оның үстіне кекірегі сара қуаяқ жетімек табиғат тілін жетік менгеріп, көңіл сарайына құйып алған. Оның жиган-терген тәжірибесі бір басына жететіндей-ақ. Өмірдің ауыр азабы мен даланың ашы сабагы үйреткен фой. Қазір де ымырт үйірле қолына таяғын ұстап шошаласынан шыққан Отамалының жүргегі әлденеден секем алғандай, басын шайқады. Расымен табиғат тамыршысы алапат бір сүмдіктың көз жетпес қияннан мысықтабандап келе жатқанын сезген-ді. «Күн шапыраштандып, қып-қызыл бол батып бара жатыр екен. Ол көзін қысыңқырап, қунге біраз қарады. Ішінен бірденелерді айтып күбірледі. Басын шайқады. Қырағы, әлі оты сөнбеген көздерін аспанға аударып, оған да барлай қараған boldы. Алыстағы жардың басында бір топ қарға шуласып жүр. Отамалы басын тағы шайқады...»

Іә, ежелден айтылар жоралғы бар. «Кешке қарай қарғалар үясына кірмей, ұзақ үшты... Ертең күн суық болады, бүтін тұн суық болады». Отамалы осы түнде қой жаюдан біраз қашқақтап көріп еді. Бірақ, оны түсінетін, оның сөзіне құлақ асатын бұл жалғанда тірі пенде табылмады. Өкініштің уын жаламас үшін көнігі малшы өз ойын төңірегіндегі байдың жандайшап қожайынсымақтарына да ескертеді. Амал нешік, миғұла месқарын көрсоқырлық танытады. Кешкі құбылыстың сүрептін, күн райының қабағын жыға ажыратар белігі жоқ желжуан қолын сілтейді. «Ұнамайдысы не? Құр сандырақ. Қайдағы боран? Қар кетіп, көктем келді емес пе?» Отамалы түңілмеді. Байдың қаһарынан ықпай, тұра өзімен тілдесуді жөн санады. Алайда, әлгінде ғана жылтыраған үміт сәүлесі дір-дір еткен қүйі жаллап етіп өшкен. Танауының астынан аргыны көрмейтін бай мен қойши арасындағы әңгімені жазушы Жармағамбетов шымыр диалогтармен шебер өрнектейді. Жеңіл қағытпа сауал-жауаптасулардан харakterлер шарпысын айқын

көреміз. Қәнеки, текетірес эпизодқа зер салайықшы:

«Қара мұртты шұбатын ішіп болды. Зеренді кішірек қызына ұстартты да, біраз уақыт мұртын сүртіп отырды. Содан кейін көзін ашыңқырап, Отамалыға қарады:

– Отамалы намаздыгерде келмейтін!..

– Я, байеке, Отамалы намаздыгерде келіп отыр, – деді сөзін бөліп-бөліп салмақтап айтты.

– Отамалы намаздыгерде етігін жамайтын, я қойын қайыратын. Қойларын тұнгі еріске алып шығуға дайындалатын.

– Дұрыс, байеке. Бірақ бүгін Отамалы етігін жамаған жоқ. Бүгін кешке қарай қарға ұсына кірмей, қиналып біраз ұшты... Отамалыға киім керек. Ертең күн сұық болады... Бүгін тұн сұық болады...

– Оны Отамалыға кім айтты?

– Оны Отамалыға батып бара жатқан күн айтты.

– Күн батып кетті ме?

– Күн батты.

– Ендеше Отамалы мазасызданбасын. Күн айтты да кетті, ал Отамалы қойын еріске айдаш шығуы керек.

– Отамалының үйінде ештеңе жоқ. Отамалыға қалың тон керек.

– Отамалыға көктем берілді.

– Отамалыға тымақ керек.

– Отамалыға жылы тұн берілді.

– Отамалыға жақсы ат керек.

– Отамалыға екі аяқ, бір таяқ берілді.

Отамалы түнеріп қалды. Қөпке дейін ұндеғен жоқ. Қастары көзін жауып отыр.

Ақырында еріндерін ашып, қою дауыспен:

– Отамалы қойларды өріске шығармайды. Күн сұық болады. Тұн сұық болады.

Қойлар ығып кетеді. Отамалы қойларды өріске шығармайды, – деді.

Байдың көзі шапыраштанып кетті.

– Қазірден бастап Отамалы қойға кетеді! – деп ақырды.

Отамалы ұндеғен жоқ. Баязы міз бақлас қуй. Бірақ бұл жолы байға қарап қалыпты. Түйіліңкірей қарағандай. Аспанда жүрген бүркіттің төмендегі жәндіктерді байыппен шолатыныңдай көзқарас. Біраз отырыстан кейін жаймен ғана:

– О, Жапан, мен айтып болдым, – деді. Осы кезде ұршығын тоқтатып қойып, манадан әнгімеге құлақ түріп отырған байдың әйелі шап ете түсті.

– Ендеше жазығың да болды. Айтты ғой саған. Немене, тісінді тіреу, жағынды сүйеу қылып.

Отамалы әйел жаққа қараған жоқ. Тек Жапан байға қадалып қалыпты. Жапан әйеліне бірдеме дер ме екен деп күтіп еді, бірақ ол әйелін қоштағандай ұндеңей қалды.

Сосын Отамалы жайлап турегелді де, бұрылып шығып кетті. Есіктің алдында иті өлі тұр екен. Ол күннің батып кеткен орнына қарап тұр. Иесін көріп, құйрығын бұлғандатты.

Дала қараңғыланып қалыпты. Темірқазық, Жетіқарақшылар көріне бастаған. Олар бір жанып, бір сөніп, селкілдеп тұр. Ауа салқын. Жер беті сәл тоңазып, кілегейлене қататын түрі бар.

Отамалы үшінші рет басын шайқады...»

– Құштінің аты – құшті. «Әй қайдагы мықтылық. Таза мәңгүрттік та. Әйтпесе, өз малы – өз байлығы емес пе?! Айдаң-күннің аманында тажал аузына тығылmas еді. Мейлі. Басқа түскенді көрермін!». Отамалы байғұс ескертпесін жұқалап та, жұмбақтап та жеткізген. Елп етпеді ғой ешқайсысы да. Ең өкініштісі құлаққа ілмегені. Дәрменсіз, тұнілген Отамалы бай үйінен мойны салбырап шықты. Еңсесін тіктей алмаған қалпы әлгінде күн ұсына жасырынған көкжиекке соңғы рет жанар жүгірте, бұлтсыз аспанды шола барлаган.

Дереу құлазыған лашығына бас сұғып, қаңырап тұрган ошағымен іштей қоштасты. Бөгелмestен кері оралған бойда күндеғіше бір қора қойын алдына салып, тұнгі еріске бет алды. Желдеп жайылған қой-ешик көрінбес көкті бытырлата үзіп,

ашқарақтана ілгері үмтүлады. Әдептегідей емес, денесі әп-сәтте мұздап қоя берген. Жұқалтақ көнетоз шапанының өнірін қасыра орай бүркеген болды. Мандай тұстан соққан ызырық жел сумандап, етек-женінен бірдей кіріп, тұла бойын тінтілей бастады. Табанынан да сыз білініп, басындағы жылусыз құлақшынын мильтатта қымтантанған-ды. Әншейінде селк етпейтін Отамалының жүргегі де аспандары дір-дір еткен жұлдыздардай, біртүрлі үрейлене, үркектей соғатын секілді. Жалма-жан күш-куатын шақырып, маңайна сергек назар аударды. Қарлы құйын ақтүтекке ұласқандай. Найза қыыршық жер-дүниені бүркеп, іркес-тіркес тәбелерді танымастай қымтап, сай-саланы қуалап жүр. Қылтанақтай бұта біткенді жұлмалап ызылдаған, ысырған әлем-таптырық аласапыранмен жалғыз езі алысып Отамалы келеді. Кіреліштығасы есі бар ол отарынан көз жазып қалғысы жоқ, Үскірік боранмен жағаласып күнімен ықты, түнімен ықты. Ішін аяз қарып, аштық бүріп барады. Бірақ ашы өмір тұздығымен суарылған көнтері адам әлі келеді сүйретіліп. Қарлы қалың боран көз аштыра尔 емес. Нешінші тәулік ығып келе жатыр? Анық бажайлай алмайтын тәрізді. Алдындағы жыланша ирелендеген қара-құранған біраз жайды үққандай. Отары тозтоз болып шашылып қалғанға үқсайды. Кеше ме, әлде алдыңғы күні ме, қойдың бетін ауылға бұрганы?! Сонда бұ қалай? Ендігі ауылға жетіп жығылса керек еді? Мүмкін емес. Ә, сонда...

Отамалы еніреп жылап жіберді. Айғайлаған үнін естірткісі келмеген шыны боран бір уыс қарды оның бет-аузына тығындей түсті. «Алла бейшарам-ай! Сорлым-ау! Жарықтығым-ау, енді не істейін...» Ағыл-тегіл көз жасы іле-шала үсіген бетінде қатып жатыр. Даусы да құмығып шығады. Жанарының алдына қою қара мұртын алтын зеренге батырып, шұбат ішіп отырған Жапан байдың сұлбасы көлбендеп тұра қалған. «Ашқарақ жауыз! Қарғыс атқыр!»

Көңілге үміт сәулесін сыйзықтатқан үлпа мамық қар қойлардың жүрісін қынідатқан. Қатты аяз қайта тұрса, омбылаған қалыптарында серейіп-серейіп қатып қалары сөзсіз. Үсті-басына, құйрығына мұз моншақтарын қадап алған жалғыз серігі – иті де әбден қалжыраған. Иесінің қас-қабағын андан, мұңайысты қыңсылайды. «Енді не істейміз?» Қайтадан тұн пердесін түсірді. Бүйрат тәбелердің бозғылт бояуларын қаранғылық демде жұтып жібергендей. Ақ түтек қайтадан ішін тартып ызылдай бастаған. Қойлар да, ит те, боран да сүүқ қаранғы тұннің құшағына сініп кетті. Таяқ тастам жерді көре алмай қиналған Отамалының есіне бай мен оның әйелі, қыздары ауық-ауық оралады. Бейқам-ау, бейқам. Селк етпейтін сияқты. Қемек қолын созатын түрі жоқ. Бойындағы соңғы қайратын қайрап, жалының қайта жаныған. Қойлар тұнімен ықты. Боран ертеңіне ұзақ қунғе толастамады. Сақал-мұртын мұз басқан Отамалы да долы дүлеймен кешке дейін арпалысып, қойлармен бірге ықты. Тұла бойын үсік шалып, өңменінен өткен өкпек жел әбден әлсіретіп, қатты қалжыратқан. Енді кішкене шыдаса, боран ашылmas па екен, көкек айында қар ұзақ жатқанда, ақирик ентігін баспай, осылайша тоқтамай соққанды кім көрген?!

Бірақ тағдыр не деген қатал. Бұған хас таланттың оқиға шарықтауын суреттейтін тұсы көзінді жеткізе түседі. Төмендегі көріністі толқымай оқу мүмкін емес.

Отамалы түршігіп кетті.

«О, аспан! О, көк! Тәнірі!»

Желдің өтінде екі қолын қанатша жайып жіберіп теңселіп тұрып қалды. Көзі бұлдырап, ақ бораннан бөтен ештеңені көрмей кетті. Тағы қарады. Қойлар жаппай тоқтап, қарға үйлігіська құлап жатыр.

Отамалының есі тағы ауып кеткендей. Еріні қемсендеп, ақ қарға көз жастары үзіліп түсті. Кенет құшақтап тұрған қозысы сусып қарға құлады. Отамалы да жерге үшіп түсті. Тез арада-ақ қозыны қардан сұрырып алғысы келді. Бірақ, үсіген қолдары қозыны дұрыстап ұстай алмады. Саулық маңырап, жаны шығып барады. Қозы бір-екі рет тұншыға маңырады да, үні өшіп қалды.

Отамалының демі тарылып, қомейіне сүүқ толып кетті. Шапанын сыптырған болып, қолы жеткен жерді жапқыштап жүр.

Боран ызалы иттей ырылдап тұр. Отамалы бешпетшен. Арқасынан жел өтіп барады. Қолдары икемге келуден кеткен.

Кенет ол артына бұрылды. Қатып жатқан қозылар. Маңырап, жаны шыға қиналған

әлсіз саулықтар. Қебі шоңқып-шоңқып отыр. Қаншасы тұа алмай қиналып жатқанын санап таусыу мүмкін емес. Боранның улы тілі бәрінің де маңайын жалап-жұқтап, зырып жүр. Ол аяқтарын сүйретіп, бір саулыққа келді. Саулықтың көзіне де жас қатып қалыпты. Өлген мұз қозысын жалап, қақсан түр. Отамалының жүргегі қарсайрылды. Жүгірген болып, ана саулыққа бір, мына саулыққа бір барды. Қозылар дүниеге келе сала қатып жатыр. Боран мен аяз жап-жас өмірлерді үзіп, топ үстінде ойнақтап, секіріп жүр.

Бетпе-бет келген өлімге қасқайып қарсы түрған Отамалы мейірімсіз тағдырмен аянбай арпалысуда. Өмірінің ақтық сәтінде де арын сатпай күреседі, адамдық һәм пенделік қажырлы қайратын көрсетеді. «Қайдасың тас жүрек! Буындырайын! Тоқтаңдар, иттер, тоқтаңдар!». Үскірік желге құшағын жайып сұлап түседі.

Соңғы демі таусыларда «Тоқтаңдар, иттер!» деп ышқына айғайлап құлап түскенде, бес күн бойы бой бермей соққан ақтүтек боранның да омыртқасы сықыр-сықыр етіп үзіліпті-міс... Ысқырған желдің де аузына құм құйылып, тұншығып өліпті. Құннің көзі жадырап ашылып, қалың қар сел боп еріп кетіпті. Жетіқарақашы мен Темірқазық орындарына қайта келіп, селкілдемей бекем тұрыпты. Қойлар мен қозылар қызғалдақты баурайда мәңгі-бақи жайылып жүр деседі...

Ал бес күн соққан боранды халық «Отамалы», «Бес қонақ», «Құралай» атап кетіпті. Жыл сайын дәл осы уақытта бір соғып тұрады екен...

Жазушы Тобық Жармағамбетов ел ішіндегі аңызды арқау еткен қасіретке толы баянын серіппеше тартылған оқиғалар желісі арқылы үтқыр өреді. Шойындан шымыр шығарманың әсері терең тебіреніске түсіріп қана қоймай, тікелей оқиғаның ішіне батырып жібереді. Тіпті кейіпкердің жаңында жүргендей, ет жүргегін елжіреп, онымен бірге қиналып, онымен бірге құйзелесін-ау. Әңгіменің соңғы параграфын жапқанда қос жанарың боталап, жан-дүниен құлазып, жүргегіне жақын жайсаң жанды жоғалтып алғандай күй кешесің. Міне, жазушы шеберлігі – бұл. Қалам қуатының құштілігі – бұл.

«Отамалы» – повеске бергісіз әдемі әңгіме. Қазақ әдебиетіне қосылған кесек олжадай көрінген тұнғыш туындысында бірден кең тынысын байқатқан қаламгердің өзіндік қолтаңбасы атойлап-ақ түр. Кейіпкерлер мүсінін кейіптеу, образдың ішкі әлемін ашудағы тебіреністі де, тегеуінді монологтар, адам мен табиғаттың шайқасын бейнелеудегі психологиялық ой-иірімдер, жан құйзелісін кескіндеудегі сөз бояуы мен реңкі көңіл тойдырып, көз қуантады.

Белгілі сыншы Зейнолла Серікқалиев «Отамалы» әңгімесін аса жоғары бағалап, қордалы ойын тәмнедегіше түйеді.

«Халық трагедиясы – халық творчествосының мотиві, аңыз мотиві жалаң қайталанып қана қойған жоқ, бүкіл бір дәүірдің бетпақ жүзін бір аударып тастаған, адамгершілік атынан ауыр үкім оқыған телегей-тәңіз сырға айналып кетті. Кең әлем көпсінген, кең әлемге сыймаған жұдырықтай өмір, мұнға батып буланған көз жасы, қарсайрылған көңіл, түтеп, жарылып кетейін деп түрған ашу, кек, ыза, арпалыс, адам рухының ұлы жеңісі – бір әңгіменің бойында қаншама дару. Бұл шығарма тұнып түрған ой, образ».

Іә, бұл әңгіме не үшін керек? Бұл әңгіме ата-бабалардың еткен өлмеші өмірін, ауыр азалы тіршілігін танып, түсіну үшін керек.

Бұл әңгіме уақыт үнімен сарындағас. Бүгінгі бостан да, азат ойдың биігінен зерделесек те, өз мәнін еш жоймайтынын айқын сөзінеміз. Қазіргі бақытты өмірді бағалау үшін де осындағы ғұмырлы туындылар қажет-ақ!

Кезінде өз бет-бейнесін қалам қарымымен айшықтаған тұма дарын иесі Тобық Жармағамбетов өнернамасы хақында көрнекті әдебиетші-ғалымдар, ақын-жазушылар мен замандастары жылы лебіздерін білдіргені мәлім. Талантты сыншы Сағат Әшімбаев 1982 жылы «Әдебиет мұддесіне адалдық» атты мақаласында жүрек сөзін еш бүкпесіз жеткізеді. Өмірден ерте кеткен сүйікті қаламгерін аңсаған әдебиет тамыршысының аңы да астарлы пікірін бірге оқыбышы. Қөрегендік ой ескірмейді.

«Біздің әдебиетімізде елесіз-ескерусіз жатқан, ләм-мим сөз болмаған роман, повесть, әңгіме, поэма, өлеңдер қаншама?! Күні кеше арамыздан кеткен талантты жазушылар Ақан Нұрманов пен Тобық Жармағамбетовтың қалдырыған мұнтаздай таза

мұрасы туралы жазылған көлемді, көрнекті мақаланы кім оқыды екен? Біз көбінде жас болса ол туралы кейін жазылады ғой деп алдарқатып қоямыз, ал жасамыстардың да жазылып қарық бол жүргені шамалы... Жалпы алғанда жазушыны насиҳаттаудағы жасына, шашына қарау сықылды күні өткен консерватизмнен әлі де арыла алмай келеміз».

Сондай-ақ, Тахау Ахтанов, Қалихан Үсқақов, Мұхтар Мағаун, Мағзом Сұндетов, Төкен Әбдірахманов, Қажығали Мұханбетқалиев, Айгүл Кемелбаева, т.б. тәрізді сөз киесін қастерлеген қаламгерлердің ой-пікірлерін мерзімдік баспасөз беттерінен талай мәрте оқыдық та.

Жақсы жазушы атанған Тобық ағаны өз басым танымаймын. Бірде-бір рет көріп, жүздесудің сөті түспепті. Шалғайда жүргендіктен шығар. Қазақстан Жазушылар одағы шығарған анықтамалықта да өмірден қырық жасында өткен суреткер жайында ете сараң жазылыпты. Үстіміздегі жылқы жылы сексенниң сенгіріне толады. 2014 жылқы жылы сексенниң сенгіріне шығар еді. ҚазМУ-дің филфагын бітіргеннен соң туып-өсken елінде мұғалім болыпты. Облыстық телевизия мен Ақтөбе облыстық газетінде жауапты қызметтер атқарған. Көзі тірісінде «Нәзік бүлттар», «Екі жүрек», «Сентябрь түні», «Соңғы хат» кітаптары жарық көріпті. Ал 1984 жылы «Жазушы» баспасы елу жылдық мерейтойына орайластырып повестер мен әңгімелерін «Ақ жауын» деген атпен шыгарды.

Көркем әдебиеттегі дара сүрлеу-соқпағын әуелден-ақ құрметтейтін Зейнолла Серікқалиев қазақ прозасының қазыналарын басып шығаратын төл жобасы «Раритет» баспасынан толғаныс-толғамы күйлі-мұнды прозашының «Отамалы» жинағын ұсынғаны оқырман қауымға белгілі.

\* \* \*

... Қадірлі оқырман, тақырып аясында өзім естіген мына бір жайды айта кеткім келеді. Әңгімеміздің тұздығына жарап қалар. Әлі есімде. 2009 жылдың қоңыр күзі еді. Ару Алматының мұлгіп тұрған шағы. Нағыз мизамшақ. Жыл қысындай он екі айда бір айналып келер еңбек демалысын тиімді өткізуді ойлайсың ғой. Әдetteгідей екі аптаңда курортта «жөнделіп» алып, қалған күндерінді туған-туыстарың мен дос-жарандарыңа арнаисың. Аман-саулығын біліп, сәлем беріп дегендей. Мәңгі үмытылmas жастық дәуреніңін қуәсі болған гүл-қала, арман-қала Алматының әр бүрышы, әр ғимараты қозға ыстық. Сондай жүрекке жақын ұялардың бірі – Абай мен Гагарин даңғылдарының қызылдысында бой көтерген Баспалар үйі. Қазақ қаламгерлерінің құттыханасы. Мен үшін әуелден киелі де, қасиетті саналатын Қазақстан Жазушылар одағының шаңырағынан кейінгі қастерлі мекен – түрлі баспалар орналасқан алты қабаттығимарат.

Қазақ әдебиетінің алыштары Мұхтар Әуезов пен Ғабит Мұсірепов бастаған марқасқалар тобына ілескен классиктер мен сөз зергерлерінің дені осында еңбек етті. Қаламгерлердің талай буыны алмасып тер тегуде. Қазақ ақын-жазушыларының кітаптары, білім ордаларының оқулықтары тұра осы жерде жазылып қалып оқырманға жол тартуда. Біз егжей-тегжейлі әңгімे тиегі етіп отырған жазушы Тобық Жармағамбетов повестері мен әңгімелері де дәл осында өзірленіп, кітап бол басуға жіберілетін. Бұл жолы да жақсылықтың үстінен түскенбіз. «Қайнар» баспасының директоры, белгілі қаламгер Оразбек Сәрсенбаев ағаға, «Ана тілінің» тізгінін ұстап отырған Жақау досқа (Дәуренбеков) кіріп шықтық. Мәре-сәреміз. «Жазушы» баспасының бас редакторы Дүйсенбайұлы Есенбай ағаға арнағы жолығып, сәлем берген едік.

– Аман-есенсіңдер ме? Халдерің қалай? – Салмақты қалпынан жазбайтын Есаға бар ынты-шынтымен жөн сұраған. – Газеттерінді оқып тұрамын. Бәрі жақсы ғой. Бірақ, өлеңді ете аз басасындар. Поззияға орынды көбірек берген дұрыс. Ақынжанды қазаққа өлеңдер артық еттейді.

– Пікіріңіздің жаны бар. Жұрттың дені біздің «Егеменнен» әдеби дүниелерді молынан күтетін секілді.

– Міне, мен соны айтып отырмын емес пе, – деді де Есенбай аға алдында жатқан үш-төрт кітапты маған ұстатқан. Артынша жымып күлді. – Тұнеугұні маған Мұхтар

**Мағаун звондады.**

– Прагадан ба? – дедім шыдамсыздана килігіп.

– Жо-f-а, – деді ақын аға қатты таңырқай. – Осы жерден, өзіміздің Алматының аэропортынан. Сенерімді де, сенбесімді де білмедім. «Жаңа ғана Чехиядан жеттім. Алмания арқылы үшқанбыз. Әбден қалжырап тұрмын. Мұнда көп кідірмейміз. Ертең елге, Баршатасқа тартамыз. Қайтарда асықпай, жата-жастана шер тарқатамыз ғой. Есенбай, менің саған айтайын деген тығыз шаруам бар. Соны жылдамдатып қолға алышы. Біз Тобықты есімізден шығарған сықылдымыз. Биыл оның жетпіс бес жылдығы. Әзірге ешқайсымыз үндемейміз. Тездетіп өзің әдемі бір еске алу жазшы. Шіркін, өзім-ақ қағып тастар едім, бірақ уақытым жоқ. Өзің біліп тұрыңы... Созылып кетеді ғой... Уш-төрт күн жатпай-тұрмай бірдене қылгайсың. Бая-ғы-да «Сентябрь түнін» бүкіл жатақхана кезекке тұрып оқығанымыз қайда?.. Соны шынымен-ақ ұмыттық па? Ә?.. Жоқ!.. Тобық ұмытылмайтын жазушы!»

– Расында қызық екен. Бір жағынан Мұхаңның азаматтығы...

– Сейтіп Жанатжан, сениң Мұхтар ағаң маған үлкен жұмыс тапсырып кетті. Жалпы, өзің Мағаун туралы жақсы жазып жүрсің. «Егемендегі» материалың үнады. Сонымен Тобық жерлесім жайлы эссе жазбақпыш. Мұхтар досымның сөзі біраз ой салды маған... Қазақтың ғажап жазушысы ҳақындағы жүреқжарды лебізі көкейімнен кетпейді-ау, кетпейді. «Жоқ, ол ұмытылмайды!» Мен де естелік-эсsemді тұра осылай ататын шығармын... Бұдан артық тақырып таппаймыз.

Әлгінде ғана қолыма ұстатқан кітаптарды аударып-төңкөріп қызыға қарағаным есте. Бәрі де әр жылдары жарық көрген Тобық Жармағамбетовтың кітаптары. Кейбірінде жазушының сыйға тартқан қолтаңбалары жазылыпты. Почекі оқушы баланың жазуындаі көркем көрінген. Толық мәтіні ойымда қалмапты. Қөшіріп алушы ескермеппін. О кезде Тобық аға автографының қажет боларын білді дейсіз бе?! Орайлы тұста жадыдағы көріністі жаңғыртып жатқаным да. Есенбай ағанын бірде жазушы Тобық Жармағамбетовке қатысты жоғарыдағы Мағауннің айтқандарын Қазақ радиосынан сырғып шерткенін де естігеніміз бар. Қаз-қалпында. Содан бері де төрт-бес жыл зулапты. Әмір-жалған соңына қарайлаушы ма еді? Таңдайында жырдың үясы бар қазақтың Есенбай ақыны да мынағанынан дүниеден озған. Бірер жылдың бедері... Жаныңыз жәннэттә болғай, жайсаң аға!

Өлең сүйер еліңіз бар да Сіздің де есіміңіз өшпейді.

Тағы бір елең еткізедерекке зер салыңызшы. Бұған дейін мән бермегенім рас. Қаламгерлер Тобық пен Есенбай бір топырақта туып-өсіпті. Ақтөбе облысының Байғанин ауданында.

Миымда Мағаун сөзі жаңғырады:

– Жоқ, ол ұмытылмайды!

